

ENN ABEK DA OFERN BRÉD
HANTER-KANTVED BLAVEZ BÉLÉGIACH

ANN

OTRO FROUIN

CHALONI, PERSON-KANTON PERROS-GUIREK

27 a viz Gwengôlô 1879



War don : *Ad regias Agni dapes...*

Kenvreûdeûr, minioned laouen,
 Kanomp brema eur ganaouen ;
 Eûz hon breûr lodennomp ar joa
 De he ofern hanter-kant vla.

Otro Person Perros-Guirek,
 Aboé hanter-kant vla belek,
 Chetu-aman 'vid-hoc'h eunn de
 Tost ar c'haeran euz ho pue!

Diwar-benn eunn enor ker brâz,
 Da genn nébeûd roet, sioaz !
 Hoc'h eûz hirie trugareket
 Ann Hini enn deûz ho nerzet.

Ped iné, aboé keit amzer,
 Zô, eûz kribino Lusifer,
 Bet skilfet, dre hô karante,
 Hag et drant da welet Doue!!!

Otro Person, na sonjet ket
 E vec'h, evit-se, diskarget
 Eûz labouriou, poan hag evez :
 Doue zô leûn a vadelez.

Digant peb-unan e c'houlenn
 Ma talc'ho-mâd beteg ar penn,
 Hervez ann nerz hag ar iec'hed
 Enn deûz Hen bet d'ehan roet.

Daoust d'ho labour tenn, hirr, nerzuz
 'Vit kreskin bepred gloar Jezuz,
 Me lavaro 'vel pep-hini :
 Iacouank c'hoaz ez eo hô kôzni!

Bepred diskuiz, Otro Person,
Dleout ra tridal hô kalon :
Seûl vui pô labouret ouz-penn,
Seûl vui vô kaer hô kurunen.

Otro chaloni, trugare :
N'eo ket 'vid-hoc'h eunn dra neve
Gwelet ouz-hô tôle azeet
Hô kenvreûdeûr, hô minioned.

Mès ouz-penn 'n'hô kenvreûdeûr ker,
Sonjet 'c'h'eûz c'hoaz enn tud ar ger,
Sonjet 'n'hô parrouisianiz,
Ha roet d'hè eur c'hrâz dreist priz.

Dre bemzek devez mision
Evit laouennâd hô c'halon,
Hoc'h eûz d'ezhe skler diskouezet
Pegemend int gan-ec'h karet.

Beleien kalz-kalz eûz ar vro
Zô deud da zikour ann Tado
Konniat, Bleuzen ha Kéruzek,
'Vit mision Perros-Guirek.

Perroziz, n'ankouafet ket,
Pa'z eo bet hoc'h ine maget,
'N'eur azean ouz tôle Doue,
D'hô Person laret : Trugare!

Itron Varia-ar-Sklerder,
Goulennet, 'vid hô servijer,
Goulennet, 'vid hon minion holl,
Aman iec'hed, enn Env digoll!!!

PRGNT, Pⁿ S^l.